

**Nau getzriten von Jetzt gehaltenem kei-  
serlichen Reichstag zu Augspurg.**

**Am Samstag nach visitationis Ma-**

rie der Junckfrawe Im funffzehnderste vñ achtzehenden iaren  
Ist mein gnedigster herre hertzog Friderich von Sachssen Chur-  
fürst etc. zu gegewertigem Kayserlichem Reichs tage dießs iars obge-  
melt/eynkomen tzuwischen tzuweyen vnd dreyen horen nach mittage  
mitsambt dem Bischoue von Wirtzburg. Römisch Kayserliche  
May. Ist seiner Churfürstliche gnaden/mitsambt den Ertzbisch-  
ouen/Mentz/ Bremen/ hertzog Georgen tzu Sachssen vñ andern  
Fürstē vñ hern/gnediglich vñ fruntlich vnderaugē getzoge/ vñ seyn  
Churfürstlich gnad/ mit grossen ernen gnaden vñ freudē angenomē

¶ Römische Kaiserliche Maiestat hat auch zumorn seinen Chur-  
fürstliche gnaden durch hertzoge Ludwigen vñ Balern vor Frid-  
berg ein meylwegs von augspurg lassen annēmen.

¶ Den nechsten Sonntag darnach / Ist meyn gnedigster herre tzu  
Ro. Kay. Ma. früe geritten/vñ hat mit/vñ bey Kay. Ma. eyne ge-  
sungene messen insant Lamprechts capellen In des bischoues vñ  
Auspurg houe/darauff Kay. May. liget/gehört/wellichs ampt  
etzliche Kayserliche singer ad socios gesungen/vñnd herre Eberhart  
Senfft Kay. May. öbister capellan das ampt gehalten hat/dan  
auff dietzeyt/was die Kayserliche Cantorey noch nicht gar vnd al-  
le vorhanden.

¶ Desselben sontags hat mein gnedigster herre mit Kay. May. zu  
mittag gessen/darnach ist er mit Kay. May. lenger dan drey stun-  
den in heimlichem rathe vnd gesprech gewesen

¶ Nach mittage hat Kayserliche May. zusambt den Churfürstē  
Mentz vñ Sachssen/ auch dem Ertzbischoue zu Brehme vñ dem  
Bischoue von Bamberg/hertzog Jeorgen vñ Sachssen/vñ Marg-  
grau Casimir vñ Brandenburg/erstlich den Cardinall vñ Gurckh  
Im Thurne alhie als eynen Bestlicher heyligkeit Legaten/ angenō-  
men/vñ Niclas Ziegler hat die werbung gethan/ Vnd darnach ist  
Kay. May. mitsambt hochbenanten Churfürstē fursten vñ hern  
vñ andern Bestlicher heyligkeit Legaten hern Thomas tic. Si.

¶